

New Zealand Traveller Declaration Infomesen

Ol man we ol i travel i kam long Aotearoa Niu Silan long plen ol i mas fulumap wan **New Zealand Traveller Declaration (NZTD)**.

Hom blong yumi i preses, wan spesel ples. Plis givhan blong kipim 'tangata' mo 'whenua' blong yumi – pipol mo graon blong yumi – i sef.

Mekem dijitel deklaresen blong yu long **TravellerDeclaration.govt.nz** o daonlodem NZTD ap.

Wanem yu nidim blong fulumap deklaresen blong yu

- Ol infomesen blong Paspot
- Infomesen blong flaet i kam long Niu Silan
- Kontak infomesen
- Histri blong travel we yu mekem i no longtaem
- Infomesen blong ol samting we yu karem i kam long Niu Silan
 - mpi.govt.nz/CanIBringIt
 - customs.govt.nz/PRI-traveller
- Stetas blong Imigresen mo visa o NZeTA (New Zealand Electronic Travel Authority) blong yu sapos yu nidim wan*

Hem i oraet blong wan nara man i helpem yu blong fulumap deklaresen blong yu. O yu save fulumap wan pepa deklaresen fom taem yu araev.

Yu mas fulumap wan seperet New Zealand Traveller Declaration (NZTD) blong wanwan pasenja, wetem ol pikinini mo bebi.

Hem i fri blong fulumap mo i tekem klosap 10 minit nomo blong finisim.

Taem yu submitim dijitel deklaresen blong yu

Yu save submitim deklaresen blong yu 24 aoa bifo yu statem rod blong yu i kam long Niu Silan. Yu save stap apdeitem kasem taem we yu kasem paspot kontrol long Niu Silan.

Afta yu submitim deklaresen blong yu, bae yu kasem wan imeil we i talem yu wanem yu nid blong save taem yu kam long Niu Silan, hemia folem wanem we yu bin talem long mifala.

Yu no nid blong aplodem eni dokumen o printimaot eni samting.

Sam kakae, ol ikwipmen we yu yusum aotsaed, mo ol prodak blong anamol mo blong ol samting we i gru long graon, yu no save tekem i kam insaed long Niu Silan. Ol nogud bebet mo siknes i save haed insaed long olgeta.

Yu nid blong diklerem eni meresin, tabak, alkol mo sapos you karem NZ\$10,000 o moa.

Mekem ol jenis long dijitel deklasesen

Taem yu statem deklasesen blong yu, bae ol i imeilem wan refrens namba long yu we yu save yusum blong jekem, komplitim o mekem eni jenis long deklasesen blong yu.

Bae yu nid blong sabmitim deklasesen blong yu bakegen sapos yu mekem eni jenis long hem.

Bae yu nomo save mekem eni jenis long dijitel deklasesen blong yu afta we yu pas long paspot kontrol long Niu Silan.

Sapos yu fogetem blong diklerem wan samting, yu mas toktok long wan boda ofisa.

Taem yu kasem Niu Silan

Sapos yu fulumap wan dijitel deklasesen, yu no nid blong fulumap wan pepa deklasesen fom.

Bae ol i jekem deklasesen blong yu otomatik nomo taem yu skanem paspot blong yu long eGate o taem wan boda ofisa i jekem taem yu kasem Niu Silan.

Ol basket blong yu bae ol i x-rei long hem mo inspektem. Sapos yu no diklerem wan aetaem we i tabu o ol i blokem, bae yu save kasem wan faen o ol i prosekiutem yu.

Jeklis blong travel i kam long Niu Silan

- Jekem se paspot blong yu i no ekspaea
- Aplae from visa o NZeTA, sapos yu nidim wan*
- Bukum flaet blong yu
- Jekem wanem yu save tekem i kam long Niu Silan
- Sabmitim NZTD blong yu 24 aoa bifo yu statem trip blong yu

* Visa or NZeTA (New Zealand Electronic Travel Authority)

Blong entarem Niu Silan yu mas holem wan visa we i gud o yu travel long wan paspot blong wan kantri we ol i no nidim visa.

Sapos yu yu blong wan kantri we ol i no nidim visa, bae yu nidim wan NZeTA bifo yu travel (be yu no nidim wan sapos yu travel wetem wan paspot blong Ostrelia). Faenemaot moa long saed blong ol kantri we ol i no nidim visa mo NZeTA long:

immigration.govt.nz/new-zealand-visas

Fasin blong laef blong yumi i dipen long yu blong mekem ol samting i stret.

Kontak senta infomesen

Sapos yu gat eni kwesten long saed blong New Zealand Traveller Declaration, ringim kontak senta blong mifala. Hem i open 24 aoa long wan dei, 7 dei long wan wik, mo long ol pablik holidei.

- **+64 4 931 5799** – blong olgeta we ol i ring aotsaed long Niu Silan (plis save se bae sevis provaeda i save jajem yu)
- **0800 359 269** – tol fri namba long Niu Silan
- **1800 359 269** – tol fri namba long Ostrelia

O yu save sanem mifala wan onlaen mesej tru long TravellerDeclaration.govt.nz/contact

Mifala traem blong ansarem insaed long 12 aoa taem.

v1-06-2023